

БОЛАЛАРГА БЕРИНГ ДУНЁНИ!

Хаётда китобларни ўқиши орқали донишмандларни ҳикматли сўзлари билан танишамиз, улардан зарур хуносалар чиқаришгаракат қиласиз.

Оила фарзандлардан бошланади. Оила ҳаётининг бош муддао ва мақсади – болалар тарбиясидир. Болалар тарбиясининг бош мактаби эса, эру хотин, ота-онанинг ўзаро муносабатидир. Болаларни ўстириш ва тарбиялаш улкан, жиддий ва ҳаддан ташқари масъулиятли ишдир.

Ушбу ҳикматли сўзлар қачон айтилганидан қатъий назар, барча замон кишилари учун ибратлидир.

Атоқли ўзбек адаби Ўткир Ҳошимовнинг “Дафтар ҳошиясидаги битиклар” китобини ўқимаган одам кам топилса керак. Адаб ушбу китобидаги “Бузилган никоҳ” деб номланган кичик мақоласида шундай ёзади:

Уйни қонуний бўлишдингиз...

Мол-мулкни қонуний бўлишдингиз...

Мухаббат бўлакланди...

Садоқат бўлакланди...

Болачи? Болани қайси қонун билан бўлашасиз? Онаси билан бўлса, отасиз қолса. Отаси билан бўлса, онасиз қолса... Яхшиси униям иккига бўлинг! Бир нимтаси – эрга! Бир нимтаси – хотинга!

Кани кўтаринг болтани, боланинг уволи тутгурлар!

Хар сафар бола тарбияси билан боғлиқ ишларни кўрганда адабнинг айни бизнинг замонамиз кишиларига қаратса айтган, бироз зардали, кинояли, аччиқ истеҳзога тўлиқ мақоласи ёдимга тушаверади.

Шунда суд мажлисида фақат ўзининг важларини тўғри санаб, бошқаларнинг фикрини инобатга олмасликка уринаётган, болани бир-биридан ўч олиш қуролига айлантириб олган, оила деб аталмиш даргоҳнинг қадр-қимматини тушунмайдиган айрим ота-оналарга қаратса “Ҳой инсонлар, сизлар арзимаган сабаб-баҳоналар билан болаларнинг бебаҳо ёшлигини, ҳаловатини ўғирламоқдасиз, бу болалар баҳтли бўлишга, ота-она меҳридан баҳраманд бўлишга, бобо-бувиси билан кўришиб туришга, ўйнаб кулишга, ҳаётдан завқ олишга, тўлақонли билим эгаллашга, спорт билан шуғулланишга ҳақли, лекин сизлар уларни шундай имкониятлардан маҳрум этмоқдасиз, маънавий жиҳатдан майиб қилмоқдасиз, эртага ушбу қилмишларингизни аччиқ мевасидан ўзингиз баҳраманд бўласиз” дегимиз келади.

Фуқаролик ишлари бўйича Ўзбекистон туманлараро судининг судьяси
Нозимжон Эгамов

2022-10-31 09:24:47